

Saksprotokoll i fylkesutvalet - 01.06.2021

Marthe Hammer (SV) sette på vegner av SV, MDG, V fram slikt forslag:

«Alternativ

1. Med dagens organisering kan Vestland fylkeskommune ikkje ta del i Mineralrådet Vestland. Eventuell politisk deltaking i eit mineral-samarbeid vert vurdert på nytt dersom det kjem opp ei anna organisering. Fylkeskommunen kan likevel ha eit administrativt samarbeid med kommunane om næringsutvikling knytt til berekraftig utnytting av mineral, slik som ein elles arbeider med næringsutvikling.
2. Midlar som tidlegare er tildelte av Sogn og Fjordane fylkeskommune står framleis til disposisjon for det føremålet dei er løvvde til.
3. Fylkestinget tek elles saka til vitande.

Avrøysting

Hammer sitt forslag fekk 3 røyster (SV, MDG, V) og fall.

Innstillinga vart vedteke som innstilling til fylkestinget mot 3 røyster (SV, MDG, V).

Innstilling til fylkestinget

1. Med dagens organisering kan Vestland fylkeskommune ikkje ta del i Mineralrådet Vestland. Vestland fylkeskommune må saman med dei omfatta kommunane samarbeide om å finne ei tenleg organisering og oppdatering av vedtekten. Oppnemning av politiske medlemmer i mineralrådet vil bli gjort ved ny sak om organisering.
2. Midlar som tidlegare er tildelte av Sogn og Fjordane fylkeskommune står framleis til disposisjon for det føremålet dei er løvvde til.
3. Fylkestinget tek elles saka til vitande.